

3993

# ՍԱՅՐԵՆԻ ԼԵԶՈՒ ՀԻՄՆՈՎԻՆ ԲԱՐԵՓՈԽՈՒԱԾ

ՄԱՆԿԱՊԱՐՏԵԶ

F. ՏԱՐԻ

ԸՆԹԱՐԱԿԱՆ ԱՐԴՅՈՒՆՈՒԹԻՒՆ, ԲԱՐՁՐԱԳԻՏՈՒԹԻՒՆ, ԹԵՂԱԴՐՈՒԹԻՒՆ,

ԱՐՏԱՎԱՆՈՒԹԻՒՆ, ԳՐԵԼ ՈՒ ԳԵՐԵԼ,

ՀԱՄԱԴՐԱՎԱՆ ՈՒ ՎԵՐԼՈՒԾԱԿԱՆ ԳՐՈՒԹԵԱԾ




Ժանոթէն անժանօթք  
Պարզէն բազադրեալը  
Դէմ յանդիմանական ուսուցում  
Ասէիմանական զարգացում

ՏՊԱԳՐՈՒԹԻՒՆ

Ա. Է. Հ. ՏԵՐ-ՆԵՐՈՒԵԱԱՆ

Կ. Պոլիս

1911



2010

ԹՂԹԱՎԱՃԱՌԱՑՈՒՆ

ՏՊԱՐԱՆ ԵՒ ԿԱԶՄԱՏՈՒՆ

Ա. ԵՎ. ՏԻԹ-ԵՎՐՈՒՍԻԱՆ

Առլիման-Համար

Ա. ՊԱԼԻՄ

W. 47,



ԱՎԱՐԵՆ ԼԵՖՈՎ

ՀԻՄՆՈՎԻՆ ԲԱՐԵՓՈԽՈՒԱԾ

ՄԱՆԿԱՊԱՐՏՔ

Բ. ՏՈՐԻ



491.93-Ց

Վ.23

# ՄԱՅՐԵՆԻ ԼԵԶՈՒ ՀԻՄՆՈՎԻՆ ԲԱՐԵՓՈԽՈՒԱԾ

16838-58

1008 / 35478

ՄԱՆԿԱՊԱՐՏԵԶ

Բ. ՏԱՐԻ

ԸՆԹԵՐՑԱՆՈՒԹԻՒՆ, ԲԱՌԱԴԻՑՈՒԹԻՒՆ, ԹԵԼԱԴՐՈՒԹԻՒՆ.

ԱՐՏԱՍԱՆՈՒԹԻՒՆ, ԳՐԵԼ ՈՒ ԳՆԵԼ.

ՀԱՄԱԴՐԱԿԱՆ ՈՒ ՎԵՐԼՈՒԾԱԿԱՆ ԴՐՈՒԹԵԱՄԲ

Ծանօթէն անծանօթը

Պարզէն բաղադրեալը

Դէմ յանդիմանական ուսուցում

Աստիճանական զարգացում



ՏՊԱԳՐՈՒԹԻՒՆ

Ա. Եւ Հ. Տէր - ՆԵՐՍԵՍԵԱՆ

Կ. Պոլիս

1910 Բ 2002

ՊԱՏՐԻԱՐքԱՐԱՆ ՀԱՅՈՑ

Կ. Պոլիս, 5 Փետրուար, 1905

Համար 1901

**Վ Ա Խ Ե Բ Ա Գ Ի Ւ**

ՈԽՈՒՄՆԱԿԱՆ ԽՈՐՀՐԴՈՅ Ա.Զ. ԿԵԴՐ. ՎԱՐՉՈՒԹԵԱՆ

Ուսումն. Խորհուրդի յննութեան առաջ «Մայրենի Լեզու» դասագիրքին Բ. մասն՝ որ կը պատկանի Մանկապարտեզի շրջանի, եւ անո՞ւ պարունակութիւնն օգտակար եւ պատրաստութիւնը համաձայն գտնելով Ազգ. Վարժարանաց Կրթական Ծրագրին՝ վակերացուց զայն, եւ արտօնեց անո՞ւ կիրառութիւնը Մանկապարտեզներու աշակերտաց եւ աշակերտութեաց համար :

**Ի Դիմաց Ուսումն. Խորհրդոյ****Վ. Ասենադպրի****Ասենապես****ԲԱՐՍԵՂ ԱԽԵՑԻՍԵԱՆ****ՏՈՒԹ. Տ. ԱՃԵՄԵԱՆ**

১৮৪৭

ՄԵԹՈՆ

Նոր պատրաստուած ՄԱՅՐԵՆԻ ԼԵԶՈՒԻ ՄԱՆԿԱՊԱՐՏԾԵԶ. Բ. ՏԱՐԻ դասագրին առքիւ Պատ. ՌԱՍՏՐԵՐՈՒ սա՝ բելազրուքիւնները կ'ընենք.

Ա. Ա. Բ Տ Ա. Գ Ի Ե Լ . — Ամեն օրուան դասէն մաս մը  
աշակերտներուն արտագրել տալ խարեսախտակի վրայ , որ-  
պէս զի տղոց գիրը լիկուի եւ անոնք գիւրասահ լիքեր-  
գանութեան եւ ուղղագրութեան պատրաստուին :

Բ. ԿԱՐԴԱԼ. - Ուսուցիչը համարձակ ու յսակ առողջանուրեամբ կը կարդայ ու կը կարդացնէ օրուան դասը խանի մը աշակերտներու։ Այս միջոցին բացատրել կետերու եւ նշաններու կատարած դերը։ Ընթերցանութեան ատեն մարմինն ուղիղ դիրքի մէջ պահելու է։

Գ. ԲԱՑՈՏՐԵԼ. — Կարդացուած հատուածին մէջ  
սղոց անձանօք բառերուն սահմանը տալ հայերէն բացա-  
տրութեամբ կամ հայերէն համանիշով, ո՞չ թէ անոր օսար  
համանիչ բառն ըսել: Օրինակ՝ սփոռոց=սեղանին վրայ  
դրուած ծածկոյթ . սեղանը մաքուր մնալու համար՝ վրան  
ձգուած լաքը կ'ըսուի սփոռոց: Այս դրութիւնը կը կոչուի  
ուղիղ ոճ=ՄԵՐՈՒ ԴՐԵՒ+Շ, այսինքն ո՛ւ եւ է լեզու սորվե-  
ցնել ուղղակի իր միջոցներով, օսար լեզուի բառեր չգոր-  
ծածել դասաւանդիման ատեն:

Դ. ԹԵԼԱՐԴՈՒԻԹԵՆԱՄԲ ԳՐԵԼ. - ԵԽԱԳՐԵԼՈՎ  
ՔԵԱՐՏՐՈՒԹԵԸ ՈՒ ԸՆՔԵՐԳՈՒՄԻ ԵՏ Բառերը սոց

միտին մեջ կը պատկերանան, թելադրութեամբ գրելով պիտի հասկցուի թէ տղայք ո՞ր աստիճան յաջողած են նաեւ ուղղագրութեան մեջ :

Ե. Հ Ա Ր Ց Ն Ե Լ .—Ասուր նպաւակն է 1. Աւանդուած դասր դիւրմբոնել. 2. Առակերտին միտին իննեազոր-ծութեան մլել, 3. Առակերտին ուշադրութիւնը շար-ժել եւ զայն լարուած վիճակի մեջ պահել: Հարցում-ներն ըլլալու են. 1. Յարտէ, տղուն անձանօր բառեր ու բացատրութիւններ չգտնուին: 2. Հարցնել բարձր ձայնով, յամր, ու վայելուշ առողանութեամբ: 3. Հարցումը պիտի ըլլայ որու, այսինքն մեկ նախադասութիւն պա-րունակող, եւ նախընթաց հարցման շարունակութիւնը: 4. Հարցումներն ուղղել տղոյ զարգացման աստիճանին համեմատ: Այս չորս կետերն ալ նկատի առնուած են: Հարցումն ուղղել բոլոր առակերտներուն որ ամենն ալ խորհիլ թելադրուին, յետոյ անոնցմէ մեկը հրաւիրել որ պատասխանէ:

Զ. Ա Ր Ց Ա Ս Ա Ն Ո Ւ Թ Ի Ի Ն = Գ Ո Ց Ը Ն Ե Լ .—Ըն-թեցարանին ուսանաւորներն արտասանել, գոյ ընել, հա-մարձակ, ուղիղ, եւ վայելուշ առողանութեամբ:

Զ. Գ Ծ Ե Լ .—Խնչպէս Մանկապարտէզի Ա. Տարւոյ մեջ, նոյնպէս այս Բ.ին մեջ ալ դրուած են գծելու վար-ժութիւններ՝ զրին ետեւը, պարզէն բաղադրեալը. առա-կերտները զանոնք պիտի գծեն իրենց հարեսախտակներու վրայ, իւրաքանչիւր դասի մեկ պատկեր:

Ը. Ը Ն Թ Ե Ր Ց Ա Ն Ո Ւ Թ Ե Ա Ն դասերը բաղուած են տղոյ դիւրմբոնելի իւրագիտական, լինսանեկան եւ բարոյական նիւթերէ: Իւրաքանչիւր արձակ նիւթի յանախ կը յաջորդէ այդ նիւթը լրացնող ուսանաւոր մը:

Թ. Ի Բ Ա Զ Ն Ն Ա Կ Ա Ն .—Ա. Տարւոյ պէս Բ. Տարւոյ

նիւթերն ալ դէմ յանդիմանական ուսուցման մերուով պատրաստուած են: Մէն մի դաս նիւթ ունի իր առար-կան ներկայացնող պատկերը՝ դաս հեշտ, համելի եւ օժ-բար ընծայելու համար:

Այս թելադրութեամբ ու մերուով տղայն պիտի սորվի գրել, գծել, կարդալ, ուղղագրել ու խօսիլ, եւ իրեն հանդիպած բառերը բացատրելով՝ տղուն ծանօթութեան սահմանը պիտի ընդարձակուի: Այս է ամենէն բնական եղանակն որ է Մանկապարտէզի Հեղուբը:

## ՆՊԱՍՏԻՑ ՅԱՆՁՆԱԺՈՂՈՎ

Ո.ԶԳ. ՊԱՏՐԻԱՐՔԻ ՈՒՂՈՎ

1905, Յունիս 5



# ՄԱՅՐԵՆԻ ԼԵԶՈՒ

ՄԱՆԿԱՊԱՐՏԵՀԱ

Բ. ՏԱՐԻ

## ԴԱՍԱՐԱՆ

Գառարանին մէջ նստած են  
մանուկները։ Անոնց առջեւ կանգ-  
նած կամ նստած է դաստիա-  
րակը։ Գաստիարակը դաս կ'աւան-  
դէ։ Մանուկները դաս կ'առնեն։  
Երբոր դաստիարակը նշան կ'ընէ,  
աշակերտաներն սոքի ելլելով՝ կ'ա-  
զօթեն, յետոյ կը նստին, իրենց դա-  
սերը կը սերտեն։ Տղոյք դաստիա-  
րին մէջ կամ կը կարդան և կամ կը  
գրեն։ Երբեմն անոնք կը գծա-  
գրեն, շտա անդամ թիւերով կը  
հաշուեն։ Գաստիարանին մէջ դրուած  
է մեծ գրատախտակ մը։

Թելադրութիւններ . — Որո՞նք են դասական  
առարկաները : Ի՞նչ կ'ընէն գրիչով , քանակով ,  
մատիտով , թանաքամանով , զմելիով : Գիրքն ի՞նչ  
կ'ընեն : Ինչի՞ յատուկ է տետրակը , գրասահա-  
տակը , քարետախտակը , զմելին :

Բացատրել անջատ գիրերով բառերն ու թե-  
լադրութեամբ գրել :

Ա. Ռ. Ա. Ծ

Ինչ որ գրուեցաւ գրիչով , չի հանուիր բահով  
բրիչով :

Ա. Ռ. Օ. Փ. Ա. Բ. Ա. Խ. Օ. Տ. Ե. Ա. Ն.

Փառք քեզ , Աստուած իմ , որ զիս այսօր ալ  
Արժանի ըրիր Մանկապարտէզ գալ ,  
Շնորհիյդ ցողէն , Տէ՛ր , կարէ՛ իմ վրայ  
Որ հոգիս անրիծ , սիրս սուրբ ըլլայ :  
Լոյս տո՛ւր , Տէ՛ր , միտքիս , զգացում՝ սիրտիս ,  
Արեւէդ՝ արեւ անոյշ ծնողքիս ,  
Համբերութիւն տո՛ւր բարի ուսուցիս .  
Քուկին զաւակդ եմ , ո՛վ Տէ՛ր , օրհնէ՛ զիս :

Ա. Վ. Օ. Փ. Ք. Ե. Բ. Ե. Կ. Յ. Զ. Ե. Ա. Ն.

Շնորհակալ ենք , ո՛հ , Տէ՛ր Յիսուս ,  
Դուն կեանէզ տուիր մե՛զ աւանուս ,  
Շնորհակալ ենք . մեղ կը սիրես ,  
Դուն փոքը աղըց բարեկանն ես :

Հայրիկին քովին ես՝ մեր վերեւ ,  
Մայրամուտը գնաց արեւ ,  
Մենք ալ , Յիսուս , պիտ' երթանք տուն .  
Ո՛հ , առաջնորդ եղի՛շ մեղ դուն :

Տո՛ւր , տո՛ւր , մեզի քուն անոշէկ  
Որ քնանանք մշիկ , մշիկ ,  
Սուրբ հրեշտակդ թող մեղ հսկէ ,  
Հայրիկ , մայրիկն ալ Տէ՛ր պահէ :

Հ. Ա. Յ. Բ. Ի. Ա. Ո.

Սիրեմ քեզ , հայր ժրացան ,  
Որ կ'աշխատիս ամէն ժամ ,  
Կանուխ կ'երթաս առտուան  
եւ ուշ դառնաս իրիկուան :

Թելադրութիւններ . — Շեղագիր բառերը բա-  
ցատրել ու թերագրութեամբ գրել :


ՆԱԽԸՆԹՐԻՔ

Մարկոս վարժարաւ  
նէն գտոնալով՝ ուե-  
զանը պատրաստ  
կը գտնէ :




Սեղանի սպասներ

Սպիտակ սփռո-  
ցի մը վրայ գրուած են,  
հաց, գտալիթ, դա-  
նակ, կրծկալ մը ու  
ոկաւառակ մը :




Հաւկիթ

Բարի մայրն անոր  
կը բերէ թարմ հտւ-  
կիթ որ ուտէ :




Տանձ

Պարտէ զէն քաղ-  
ուած տանձ ալ կու-  
տայ իբր տղանդեր :



Թելադրութիւններ. — Ուտելիք. Ի՞նչ է հայր,  
արդանակը, խորակածը, մածունը, սերը, կար-  
կանդակը, իւղը, պանիրը։ Խուելիք. Ի՞նչ կ'ընեն  
ջուրը, թէյը, գինին, կաթը, գարեջուրը, սուրճը։

ԽԱՂԵՐ



Քարան=ձորորիկ

16838-58  
1008  
35-471



Երշանակ



2ի

Երբ տղայք վար-  
ժարանին մէջ լաւ  
աշխատին, անոնց  
կ'արտօնուի սր  
խաղան :

Ահա երկու տղայք  
որ բարեն=ձոլորիկ  
կը խաղան :

Ահա ուրիշ մըն ալ  
որ շրջանակ կը դար-  
ձրնէ :

Հանգչելու համար ու-  
րիշներ մատնոցիկ կը  
խաղան :

Փոքրիկ Ատրուժան  
իր մեծ եղբօրը հետ  
փայտէ ձի մը կը վարէ :

Թելադրութիւններ . — Եթէ աղուն բնակած  
տեղը կան սա՛ խաղերը, թո՛ղ բացատրէ : Ի՞նչ է  
կլուճ, ընկոյզ, գնդակ, աղափշիկ, այժ-կապուկ,  
սահնակ, գերեառուկ, ձիպոն, ծափիկ, մեծպար,  
սիփիկ, ցաւկտան, պտուտակ, էշ-խաղուկ, վեզ,  
Թելադրութեամբ գրել հասուածը :

Ա. Ո. Ա. Ծ

Աղ ու հաց, սիրալ բաց .  
Հաց ու պանիր, կեր ու բանիր :

Հ. Ա. Ն Ե Լ. Ո Ւ Կ

Ճերմակ սասկառիկ, մէջն է երկու ցեղ բնագելիք :  
(Նաւկիր)

Ե Օ Թ Բ Փ Ո Յ Ն Ե Բ

Ջիւնը ճերմակ է  
Մելսմնը սև է  
Ոսկին դեղին է  
Ծիրանը կարմիր է  
Տերեւը կանաչ է  
Երկինքը կապոյտ է  
Մանուշակը մանիշակագոյն է :

Խ Ա Զ Ե Բ Գ

Օ՞ն, ա՛յ աղաք, առէ՛ք ձեր վեզ,  
Գլանը մլառը բախս նայեցէք,  
Դուք, աղջիկներ, ձկոյր առէ՛ք,  
Քով քովմափ ելէ՛ք, կեցէք :  
Հասօ՞ն, նայինք, դուք շար-պարը  
Բոնեցէք շուտ, եւ շար-վարը .  
Կամ թէ ձապուկ ձոկան առէ՛ք  
Իրալու հետ ձիպոն խաղցէք :  
Մեծ ու պղտիկ գնդակ խաղան,  
Աղափշիկ ալ չմոռնան,  
Սիրուն խաղ է այժ-կապուկը ,  
Չմրան խաղ է մեր սահնակը :

Թելադրութիւններ . — 1. Ճեղագիր բառերը  
բացատրել . 2. Թելադրութեամբ գրել հասուածը

Հ. Ա. Ն Ե Լ. Ո Ւ Կ

Քանի որ ծեծը կ'ուտէր՝ ուրախութեամբ կը  
լընէր, երբոր ծեծը վերցաւ, ինկաւ գետին ու  
մեռաւ :  
(Նոլ)

Ե Կ Ե Պ Ե Յ Ի Ե

Ժամին մէջ կան խաչ ու խորան  
Զահ ու բուրվառ, առեւստան,  
Շուրջառ, փիրոն, շքեղ խոյրեր,  
Խորանին վրայ սուրբի պատկեր:  
Կը հաւաբուին հոն շատ մարդիկ,  
Ազօթք կ'ընեն մեծ ու պղտիկ,  
Յետոյ կ'առնեն մաս ու նշատ  
Բոլոր մարդիկ համ հաւասար:

Թելադրութիւններ.— Եկեղեցւոյն մէջ ինչե՞ր  
կան : Որո՞նք կը կրեն շուրջառ, փիլոն, խոյր:  
Բացատրել չեղագիրները, հարցումներ ուզգել:  
Թելադրութեամբ գրել հասուածը :

Գ. Լ. Խ. Ա. Գ. Ե Բ Խ. Ա. Ա. Ն

Ա Հ Կ Ն Ս Ք Զ Ծ Շ Տ Բ Ի Մ Վ Գ Խ Զ Փ Ժ  
Ո Օ Զ Բ Թ Զ Է Ա Հ Ց Ֆ Պ Ճ Դ Լ Ի Ե Յ Ց Դ

Ա. Ա. Ա. Ծ

Ամէն մարդ իրենը գիտէ, տէրտէրն ամէնունը:


ՄԱՔՐՈՒԹԻՒՆ



Սպոնդ ու բարձր



Ո ա ն ս ր



Ո ա ն ս ր




Հ ա յ ե լ ի

Երբ գուք կ'արթըն-  
նաք, ձեր առաջին  
խնամքը պիտի ըլ-  
լայ լուացուիլ ձեր  
ծնողքը գրկելէ ետք :  
Լուացուելու համար  
գուք կը գործածէք  
սպոնդ մը կամ ան-  
ձեռոց մը լականին  
մէջի ջրով թրչելով :  
Յետոյ ձեր մազերը  
կը սանտրէք, կը  
յարդարէք սահտ-  
րով և կամ նուրը  
խոզանակով :  
Դուք ձեզ յարդա-  
րելու համար՝ հայե-  
լին կը նայիք :

Թելադրութիւններ . — Ո՞րն է ձեր առաջին  
խնամքը, լուացուելէ ետք ի՞նչ պիտի ընէք: Ինչո՞վ  
կը սանտրուիք, կը յարդարէք: Կը խոզանակէ՞ք:


### ԽՈՀԱՆՈՑ



ԽՈՐՈՎՈՎԱՆՕԹ



ՓՐՐՈՒ



ՇՐԱՆՕԹ

Խորիկ պարկեցտ  
աղախին մըն է, խո-  
հանոցին մէջ խնամք  
կը տանի, խոհանոցը  
միշտ մաքուր է :

Միևնոյն տտեն խո-  
հանոցին օջտխին  
մէջ կը խորովէ վառ-  
եակ միս :


Հաց կ'եփէ թռնիւ-  
րին, փուռին մէջ՝

Ճաշը կը պատրաս-  
տէ, սուրճը կ'եռայ  
սրճե փին մէջ՝

Թելադրութիւններ. — Խորիկ ի՞նչպէս աղ-  
ջիկ է : Ի՞նչ կ'ընէ խոհանոցին մէջ : Թռնիրին մէջ :  
Փուռին մէջ : Ուրիշ ինչե՞ր կ'ընէ :

Բացատրել անջատ գիրերով բառերը : Թելա-  
դրութեամբ դրել հատուածը :

### ՆՆՉԱՍԵՆԵԱԿ



ՄԱՀԱԿԱԼ



ՕՐՈՐՈՑ



ՍԵՂԱՆ


Թելադրութիւններ. — Դիմերն ո՞ւր կը հանգ-  
ժին ձեր ծնողը : Ո՞ւր է օրօրոցը : Գիշերն ի՞նչ  
պիտի ընէք : Ի՞նչո՞ւ : Նկարագրեցէք օրօրոցը : Ո՞ւր  
է սեղանը :

~~~~~

ՄԱՐԴ



Գլուխ



Թեր



Զեռք

Մարդ ունի երկու  
աչք տեսնելու հա-  
մար, երկու ականջ  
լուն համար։

Լեզու մը խօսե-  
լու համար։

Ասոնք մեղի կը ցու-  
ցնեն թէ միշտ մտիկ  
ընելու և հնազանդե-  
լու ենք։

Երկու ոտք ու երկու  
սրունք ունինք քա-  
լելու համար, և տեղէ  
տեղ երթալու համար։

Հոտոտելու հա-  
մար և շնչառու-  
թեան համար՝ ունինք  
քիթ մը։



Ոսք

Երկու ձեռք և եր-  
կու բազուկ, տառը  
մատ՝ գործելու հա-  
մար։

Թելադրութիւններ. — Մարդ քանի՛ աչք ու-  
նի : Ինչո՞ւ : Քանի՛ ականջ : Ինչո՞ւ : քանի՛ լեզու :  
Ինչո՞ւ : Սասնաք ի՞նչ կը սորվեցնեն մեղի : Քանի՛  
ոտք ունինք : Ինչո՞ւ : Քանի՛ քիթ : Ինչո՞ւ : Քանի՛  
ձեռք : Ինչո՞ւ : Քանի՛ ոտք : Ինչո՞ւ :

Բացատրել անջատ գիրերով : Թելադրու-  
թեամբ գրել հատուածը :

ՄԱՐԴՈՒՆ ՀԻՆԳ ԶԳԱՅԱՐԱՆՔՆԵՐԸ

Ես աչքով կը տեսնեմ,  
Ականջովս կը լսեմ,  
Քիթովս է որ հոտ կ'առնեմ,  
Լեզուովս է որ համ կ'առնեմ:  
Պաղճ ու ցուրտը, կամ շոգն ու տափ,  
Կոշ ու կակուդ առարկաներ  
Ինչո՞վ կ'զգամ, գիտէ՞ք.  
Երբոր զանոնք կը շօշափեմ:

Թելագրութիւններ. — Բացատրել չեղագիր-  
ները : Թելագրութեամբ գրել հասուածը :

|     |       |      |      |      |
|-----|-------|------|------|------|
| ՄԵԿ | ԵՐԿՈՒ | ԵՐԵԲ | ԶՈՐԱ | ՀԻՆԴ |
| 1   | 2     | 3    | 4    | 5    |
| ՎԵց | ԵՕԺԸ  | ՈՒԺԸ | ԻՆԸ  | ՏԱՄԸ |
| 6   | 7     | 8    | 9    | 10   |

Ա. Ռ. Ա. Ծ

ՄԵԿ ծաղիկով գարոն չփառ :

Հ. Ա. Ն Ե Լ Ա Խ Կ

Քար քարի վրայ՝ քար չէ, լեռ սար կ'արածի  
դուար չէ, հաւկիթ կ'ածէ՝ հաւ չէ : (Կրիայ)

### ՄԱՐԴՈՒՍ ԱՆԴԱՄՆԵՐԸ

Ա.Յ է բարձր, այս է ցած,  
Նոյն է որչափ եմ սորված:  
Ա.Յ է նեղը, այս է լայն,  
Դեռ գիտեմ շատ բան սակայն .  
Երկու ձեռքերս են ձերմակ,  
ՄԵԿԻ է իմ աջ, իսկ միւսը՝ ձախ,

Հինդ փոքրիկ մատեր կլոր  
Ոլող բռնեմ տանձ, սալոր,  
Վարը իմ սոտքերս տե՛ս  
Վերն ալ գլուխս նոյնպէս :  
Հոս է քիթս, հոս իմ աշերս,  
Զէք կարծեր որ իմաստուն եմ :  
Հիմա, աշերս, բաց մնացեֆ,  
Իսկ երբ պառկիմ, գոցուեցեֆ:  
Ահա բերանս ու կզակ իմ,  
Շուտով կարդալ, գրել սորվիմ :  
Հոս է գեռ իմ ձախ ձեռքս  
Ա.Յ ալ իմ աշս է նոյնպէս :  
Գլսուս վրայ կը վերցնեմ  
Ծափ ծափ, ծափ ծափ կը զարնեմ  
Իսկ երբ մեծնամ ձեզ նման,  
Մեծ դործեր ընել կրնամ :

Թելագրութիւններ . — Բացատրել չեղագիր-  
ները : Թելագրութեամբ գրել հասուածը :


Ա. Ռ. Ա. Գ. Ա. Խ Օ Ս Ա Խ Թ Ի Խ Ն

Զուխտակ մը սրեիս ջուրը որ թրջի, կը  
թրջի, թող թրջի, չէ՛, չի թրջիր, թող մթրջի :

Ի Ն Չ Պ Բ Ը Է

Հացին փորը կակուղ է ,  
Ծառին ճիշդի բարակ է ,  
Պատին ծեփիք ճերմակ է ,  
Քարին կառը կարծր է ,  
Հաւին միաը համեղ է ,  
Սազին փետուրը թեթեւ է ,  
Բաղին հաւկիմը մեծ է .

Դ Պ Ր Ո Ց Ա Կ Ա Ն Ե



Կ ա ղ ա մ ա ր



Մ ա ս ի ս



Զ ժ ե լ ի

Դպրոցականն ունի  
քանի մը անհրաժեշտ  
պէտքեր , գրիչ՝ գրե-  
լու համար , կաղա-  
մար՝ մելանը մէջը լե-  
ցնելու համար : Հոգա-  
ծու դպրոցականը կա-  
ղամարը տեղը կը դնէ՝  
գիրը լմնցնելէն ետք :  
Մատիտ մը՝ գծելու

համար : Մատիտը կը տաշենք զմե-  
լինվէ : Ասիկա մէկ սուր բերան ունի :  
Բերանը շինուած է պողպատէ :

Երբ դպրոցականը լու աշխատի  
ամբողջ տարին , Մրցանակաբաշ-  
խութեան կ'ստանայ պսակ մը , և  
շատ գովեստի արժանի կը լլայ :

Հոգածու տղան կը զգուշանայ մա-  
տերը մելանով աղտօտելէ և մե-  
լանը զգեստին վրայ թափելէ : Իր  
զմելիին հետ չի խաղար երեք :

Թելադրութիւններ . — Որո՞նք են դպրոցա-  
կանին անհրաժեշտ պէտքերը : Ինչի՞ կը ծառայէ  
գրեց : Կաղամա՞րը : Հոգածու դպրոցականը ի՞նչ  
կ'ընէ : Ինչի՞ կը ծառայէն մատները : Զմելի՞ն : Նկա-  
րագրել զմելին : Ի՞նչ է աշխատով դպրոցականին  
վախճանը : Հոգածու տղան ինչերէ՞ կը զգուշանայ :

Բացատրել անջատ գիրերով բառերը : Ժելա-  
դրութեամբ գրել հատուածը :

Հ Ա Ն Ե Լ Ա Խ Կ

Գլուխու կտրեցին , սրտիկա հանեցին , գինի  
խմյուցին , լեզուս բացուեցաւ , խօսիլ սկսայ :  
(Փետուրէ Գրիչ)

Ա. Ռ Ա. Ծ

Գիրք՝ մէջը միրդ, ով կարդայ՝ ան մարդէ,  
ով կը խաղայ՝ ան կը կաղայ:

ԹԻՒԵԲՈՒ ՎՐԱՅ ՎԱՐԺՈՒԹԻՒՆՆԵՐ

11 12 13 14 15 16 17 18 19 20

Այդ թիւերը կարդացէք ու դրով դրեցէք:

Դ Պ Բ Ա Ց

Ի՞նչ աղռոր է դպրոց երթալ  
Խաղալ, երգել, գրել, կարդալ:  
Դեռ պղտիկ եմ, բայց շարունակ  
Դաս տրվելու ունիմ վիափաֆ:

Բան չեմ գիտեր այսօր՝ իրա՛ւ,  
Բայց վարժուհիս այնպէս մ'ըրաւ,  
Դասս այնպէս մը հասկցոց  
Որ կ'ըմբռնեմ զայն հիմակոց:  
Ան ալ նման է մայրիկիս,  
Կը իւրատէ, կը կրթէ զիս:  
Կ'ուղեմ մօրս պէս սիրել զինքն ալ  
Տըւած դասերը չմոռնավ:

Թելադրութիւններ .— Բացատրել չեղագեր-  
ները: Թելադրութեամբ գրել հասուածը:

Ա. Ռ Ա. Ծ

Ածան հաւը կարդան կ'ըլլայ:

ՀԱԳՈՒՍ—ԿԱՊՈՒՍ



Հազուս



Կօշիկ

Թիկնոցակը չորս  
կոճակ ունի, թիկ-  
նոցակը գրպան մը ունի.  
բառ ձկոն ակը թեւ  
չունի, բայց թիկնո-  
ցակն ունի երկու թեւ:  
ինչո՞վ կը ծածկես  
գլուխդ, ինչ գոյն ունի  
գլխարկը, գլխարկ  
կը դնես, ուսուցիչն ի՞նչ գլխարկ կը  
դնէ: իմ տաբատս կարձ է, քուկինդ  
երկայն: Յովհաննէսինը գծաւոր է,  
Սմբատինը՝ անգիծ:

զմեռ ասեն ձեռնոց կը դնենք  
ձեռքերնիս՝ չմսելու համար ։ Զեռնոցը  
կը շնեն մորթով, կը հիւսեն բուր-  
դով կամ մետաքսով։

Միհրան աղուոր կօշիկ մ'ունի, կօշ-  
կակարը կը կարէ կօշիկը, կօշիկը կը  
շնեն մորթով, կաշխով. կօշիկը կը  
ներկեն փայլեցնելու համար ։

Թելադրութիւններ .— Որո՞նք են հագուս-  
տին մասերը : Թիկնոցակը քանի՞ կոճակ ունի :  
Ո՞րն է բաճկոնակը : Տարատն ի՞նչպէս է : Ե՞րբ  
կը կրենք ձեռնոց : Ինչ՞ շինուած է : Միհրան  
ի՞նչ ունի : Ինչ՞ կը շնեն կօշիկը : Ի՞նչպէս կը  
փայլեցնեն :

Բացարել անջատ գիրերով բառերը : Թե-  
լադրութեամբ գրել :

### Պ Ա Ր Ա Խ Ն Ո Ւ Ա Յ Մ Ք

Պառաւն այծ մ'ունէր  
Փոքրիկ, սիրուն այծ .  
Ինք անով կապրէր  
Աղքատ մնացած ,  
Խեղճուկ, մինակ ,

Իր այծիկն օր մը  
Ա՞ն դաշը տարաւ ,  
Ծաղկած հովիսը  
Արածել տուաւ ,  
Կուշտ, կուշտ, կուշտ, կուշտ ,  
Արածել տուաւ :  
Մարտի ամսի վերջին  
Խիս յամի փշեց ,  
Պառաւի աչքէն  
Այծը հաղածեց ,  
Ական, մեծ ական ,  
Այծը հալածեց :  
Արինենց գաղեր  
Այծը յափեցին ,  
Խեղճուկ պառաւին  
Կոտոշներ թողին ,  
Միայն և միայն  
Կոտոշներ թողին ,  
Պառաւն էր նստած՝  
Փունջ խոտը ձեռին՝  
Այծը կը կանչէր  
Զայնով ՏՏՏՄագին .  
Եկո՛ւր, Եկո՛ւր ,  
Զայնով տրտմագին .

Թելադրութիւններ .— Եեղագիրները բա-  
ցարել :

### Ա. Բ. Ա. Գ. Ա. Խ Օ Ս ՈՒ Խ Թ Ի Ի Ն

Փոկակապ Յակոբ աղբար, թէ կընաս՝ փոկ մը  
կապել, ես քեզի կ'ըսեմ՝ չնորհդ շատ, փոկա-  
կապ Յակոբ աղբար :

### Հ Ա. Ն Ե Լ Ո Ւ Կ

Մէկը կանգնած՝ կը խօսի, երկուքն ականջ  
կը դնեն, իսկ երկուքը կը նային :  
(Բերան, Ականչ, Աչ)

### Ա Ն Օ Թ Ն Ե Ր




Գ ա ւ ա թ



Ե ի շ


Զեր մայրն ո՞ւր կը  
պահէ ջուրը : — Ի՞նչ  
կը կոչուի այն ամանն  
ուր ձեր մայրը ջուր կը<sup>լ</sup>  
լեցնէ, ու սեղանին վրայ  
կը դնէ խմելու համար :  
— Ինչո՞վ կը խմեք ?  
— Քանի՛ տեսակ գա-  
ւաթ կայ : — Մառանին




Տ ա կ ա ռ



Ա ր օ ր



Ց ա բ ա ն



Ս ա լ լ

Մէջ ո՞ւր կը պահուի գի-  
նին : — Ի՞նչ է թակոյկը ?  
— Ի՞նչ է տակառը ?

### Հ Ո Ղ Ա Գ Ո Ր Ծ ՈՒ Թ Ի Ի Ն

Մարդ իր ու իր ըն-  
տանիքին հայը հայ-  
թայթելու համար  
ստիպուած է աշխա-  
տիլ :

Այս աշխատոթիւնն  
ի գործ կը դնէ հո-  
ղին վրայ . հողագոր-  
ծը արօրով կը վարէ  
եր կիրը :

Յետոյ կը ցանէ ցո-  
րեն եւ հողին մէջ  
կը ծածկէ սրածայր  
խոշոր ցաքանով :

Երբ յորենը հասկել, արա-  
տունձը կը քաղէ մանգաղով, որոց  
կը կապէ և սայլին մէջ կը փոխադրէ :

Թելադրութիւններ . — Մարդ ի՞նչպէս կը  
հայթայիմէ հացը : — Ի՞նչ կ'ընէ հողագործը : —  
Ի՞նչ է արօրը : — Ցաքա՞նը : — Ի՞նչ է հասկը : —  
Արտունձը ի՞նչ կ'ընէ :

Բացատրել անջատեալ բառերը : Թելադրու-  
թեամբ գրել :

### Ա. Ո. Ա. Ծ

Ես աղա, գուն աղա, մեր ալիւրը ո՞վ աղայ :

### Հ. Ա. Ն Ե Լ Ո Ւ Կ

Անջուր ջաղաց՝ անկըակ բաղարջ : (Մեղր)



### ԱՐՏՈՒՆՁՆԵՐՈՒ

### ԵՐԱՎՊԱՐՔ

Երբ արտերուն երբ Աստոած  
Առաս առաս հունձ կը դրկէ,  
Բարիթներէն զգածուած՝  
Պէտք է ամէն մարդ երդէ :

Աւրախ նշան երբ արտոի ,  
Մեր յշապարն ակսինք ,  
Ո՞հ , նըշապարէն յիրաւի  
Մենք շատ ու շատ կ'ախորժինք :

Մշակն հսու է , հսու մեր քով ,  
Երջանկուրեամբ կը ժայտի ,  
Անով մեր միրան հաճոյքով ,  
Աւրախութեամբ կը լեցուի .  
Ո՞հ , ի՞նչ ժայցր է ու բարի ,  
Որչափ զայն կը սիրեն ,  
Իր ձեռքերն են , ո՞հ , արի ,  
Որ ակոսներ կը փորեն :

Թելադրութիւններ . — Բացատրել շեղագիր-  
ները : Թելադրութեամբ գրել հատուածը :

### Ա. Ո. Ա. Ծ Ն Ե Ր

Խմացողին մէկ բաւէ , չխմացողին հաղարը քիչ :  
Մէկ ըսէ , հինգ ըսէ . հինգ շափէ , մէկ կտրէ :

### Հ. Ա. Ն Ե Լ Ո Ւ Կ

Չորս եղբայր կան , իրարու ետեւէ կը վա-  
զեն , բայց իրարու չեն համնիր :  
(Կառֆին անիւները)

## ՆՍՏԱՐԱՆ

Շատ մարդիկ չին ած են այն նըստարանն որուն վրայ նստած է փոքրիկ մանչը :



Ն ս տ ր ա ն




Փ ա յ ս ա հ ա ր

Փայտահար Մարկոս  
կաղնին կտրեց իր  
տապարով :

Պօղոս ու Գրիգոր ուր-  
զոցով զայն իր երկայն-  
քեն կտրեցին ու տախ-  
տակ պատրաստեցին :

Ատաղձագործ Պետ-  
րոսն իր քերիչով տա-  
շեց տախտակները եւ  
անոր ոտքեր աւել-  
ցուց :

Ո՞վ է որ կաղնին  
յառաջ բերաւ .— Ասո-  
ուած :




Ո դ ո ց

Թելադրութիւններ .— Որո՞նք շինած են  
նստարանը : Ինչի՞ կը ծառայէ նստարանը : Ո՞վ  
կտրեց կաղնին : Ի՞նչով : Պօղոս ի՞նչ ըրաւ : Պետ-  
րո՞ս ինչ ըրաւ : Ո՞վ կաղնին յառաջ բերաւ :  
Բացատրել անջատեալ բառերը : Թելադրու-  
թեամբ դրել հասուածը :

Ո. Ր. Ա. Գ. Ա. Խ. Օ. Ս. Ա. Խ. Թ. Ի. Ի. Ն.

Մեր էզին տանձի ծառ մը կայ .  
Տանձի ծայրը ծանր տանձ մը կոյ .  
Ո՞ւր է մեր էզին, ո՞ւր է մեր տանձի ծառը .  
Ո՞ւր է մեր տանձի ծառին ծայրի ծանր տանձը :

ԹԵԼԱԴՐՈՒԹԻՒՆՆԵՐ




Շ ո գ ե կ ա ռ ք ո վ

Շոգեկառքով ո՞ւր  
կը ճամբորգեն, ջրի՞  
վրայ թէ ցամաքի  
վրայ :



Գ ն մ

Այս գոմին մէջ ի՞նչ  
կը տեսնէք ։ Ո՞ր կենա-  
դանիները գոմի մէջ  
կ'ասլրին ։




Ա ր օ ր

Ի՞նչ կ'ընեն արօրով ։  
Ո՞վ կը վարէ արօրը ։



Պարտէզի գործիքներ

Որոշեցէք թէ այս  
պատկերին մէջ ո՞ր գոր-  
ծիքը կը ներկայացնէ՝  
1, 2, 3, 4, 5, 6 թիւք ։



Հունձքի գործիքներ

Այս պատկերին մէջ  
ի՞նչ գործիք է 1ը, 2ը,  
3ը ։ Ատոնցմով ի՞նչ  
կ'ընեն ։



Ա գ ա ր ա կ

Ինչե՞ր կը տես-  
նէք այս ագտ-  
րակին մէջ ։




Մ ա կ ո յ կ

Ինչի՞ կը ծառայէ մա-  
կոյկը ։ Մակոյկ նըս-  
տա՞ծ էք ։




Ե ս գ հ ն ա ւ

Ըստ ենաւով ո՞ւր կը  
ճամբորդեն, ծովո՞ւ-  
թէ ցամաքի վրայ ։




Մ կ ր ա ս

Ի՞նչ կ'ընեն մկրատով ։  
Ո՞ր արհեստաւորները կը  
գործածեն մկրատը ։




Կառը

Որո՞նք կը քաշեն  
կտոքը = Կառա-  
պանն ի՞նչ կ'ընէ =



Վատն

Ինչի՞ կը ծառայէ  
վրանը = Ինչո՞ւ կը  
շնեն վրանը =



Գործիքներ

Որոշցել՝ք թէ սա  
պատկերին մէջ ի՞նչ  
գործիքներ կան = Ա-  
տոնցմէ խրաբանչխ-  
րով ի՞նչ կ'ընեն =




Խոզակ

Ո՞վ կը բնակի խողակին մէջ =  
Ո՞վ կը հիւսէ խողակը =



Փեթակ

Որո՞նք կը բնակին փե-  
թակին մէջ = Ո՞ւր կը  
գտնուին փեթակները =



Սեղանի սպասներ

Ի՞նչ կ'ընեն դգալով.—  
Քանի՞ տեսակ դգալ կայ.—  
Պատառաքաղավ ի՞նչ կ'ը-  
նեն.— Դանակո՞վ =



Հիւղակ

Ո՞վ կը բնակի հիւղակին մէջ =  
Ո՞ւր կը գտնուի հիւղակը =




Թիկնաթոռ

Ինչի՞ կը ծառայէ թիկնա-  
թոռը = Ի՞նչ տարբերութիւն  
կայ աժոռոխն ու թիկնաթո-  
ռին մէջ =



Հողմաղացով ի՞նչ կ'աղան :

Հողմաղացեն զատ ուրիշ ուր  
տեղ ցորեն կ'աղան : Ցորեն  
աղացողն ի՞նչ կը կոչուի :



Ժամացոյցն ի՞նչ է

և ինչի՞ կը ծառայէ :  
Քանի՞ տեսակ ժամա-  
ցոյց գիտէք :



Ինչի՞ կը ծառայէ զան-  
գակը : Վարժարանին մէջ  
ե՞րբ և քանի՞ անդամ զան-  
գակ կը զարնեն :



ԱՏԱՊԱԳՈՐԾՆԵՐ

Օն , լնկերնե՛ր , ելե՛նք ոտքի ,  
Առնենք աղոց , կտրենք տախտակ ,  
Բաժնենք շուտով զայն երկուքի  
Շինենք անով մեղ արռոակ :

Սի սոյ , սի սոյ , սի սոյ , սի սոյ :  
Պէտք է մերել , յղկել մեր փայտ :  
Առնենք քերիչ , յղկենք զանի ,  
Զգուշանանք , չկարենք մատ ,  
Ըլլանք յարմար գործի , բանի :  
Քշ զրդ , քշ զրդ , քշ զրդ , քշ զրդ :

Հիմայ դամենք փայտերն իրար  
Մեր ուրագովթաքթիք , թաքթիք ,  
Գամենի ամուր , դամենք ձարտար ,  
Լաւ շնելու բափենի մեր ձիզ :  
Թիք թաք , թիք թաք , թիք թաք , թիք թաք :  
Թելագրութիւններ .— Բացարել շեղագիր-  
ները : Թելաղըութեամբ գրել հատու ածը :

ՕՐՈՒԱՆ ՄԱՍԵՐԸ

1. Արշալոյս , 2. Առաւոտ , 3. Ցորեկ , 4.
- Կէսօր , 5. Իրիկուն , 6. Գիշեր , 7. Կէս գիշեր :

### ՇԱԲԹՈՒԱՆ ՕՐԵՐ

1. Կիրակի, 2. Երկուշաբթի, 3. Երեքշաբթի,  
4. Չորեքշաբթի, 5. Հինգշաբթի, 6.  
Ուրբաթ, 7. Շաբաթ :

### Ս. Մ Ի Ս Ն Ե Ր

1. Յունուար, 2., Փետրուար, 3. Մարտ,  
4. Ապրիլ, 5. Մայիս, 6, Յունիս, 7. Յուլիս,  
8. Օգոստոս, 9. Սեպտեմբեր, 10. Հոկտեմբեր,  
11. Նոյեմբեր, 12. Դեկտեմբեր :

### ԶՈՐՍ ԵՂԱՆԱԿՆԵՐ

Գարուն, Ամառ, Աշուն, Զմեռ :

Գարնան ամիսներ . Մարտ, Ապրիլ, Մայիս :  
Ամառուան ամիսներ. Յունիս, Յուլիս, Օգոստոս :  
Աշուն ամիսներ. Սեպտեմբեր, Հոկտեմբեր,  
Նոյեմբեր :

Զմրան ամիսներ. Դեկտեմբեր, Յունուար,  
Փետրուար :

ԹԵԼԱՊՐՈՒԹԻՒՆՆԵՐ . — Որո՞նք են օրուան  
մասերը : Շաբթուա՞ն : Քանի՞ ամիս կայ : Որո՞նք են :  
Որո՞նք են Չորս Եղանակները : Որո՞նք են գարնան  
ամիսները : Ամառուա՞ն : Աշուն : Զմրա՞ն :

ԹԵԼԱՊՐՈՒԹԵԱՄԻ գրել հասուածը :

### ԸՆՏԱՆԻ ԱՆԱՍՈՒՆՆԵՐ



Զի



Կով



Շուն

Զին մարդուս ամեւ-  
նէն օգտակար անա-  
սանն է . ան է որ  
մեր բեռները կը կրէ ,  
կը քաշէ արօրը և կը  
լծուի մեր կտոքե-  
րուն :

Կովը մեզի կուտայ  
աղուոր սպիտակ կտթ ,  
զոր մենք ամեն առառու  
կը խմենք :

Շունը բարեկամ է  
մարդուս, կը պահպանէ  
տունն եւ ոչխարները  
կը պաշտպանէ գայ-  
լերուն գէմ :



Կ ա տ ու ն կ ը լ բ ո ն ե ւ  
մ ո ւ կ ը ւ :

Կ ա ս ո ւ .



Գ ա ռ .

Գ ա ռ ը մ ե զ ի կ ու տ ա յ  
կ ա թ ո ւ բ ո ւ ր դ ւ :

Գ Ա Ռ Ն Ի Կ Ն Ո Ւ Մ Ա Յ Ր Ը

Ի ն չ ո ւ կ ու լ ա ս , լ ս ե ղ ձ Գ ա ռ ն ի կ .  
— Ե ա տ ծ ե ծ կ ե ր ա յ ե ս , մ ա յ ր ի կ :  
Ք ե զ ո վ ծ ե ծ ե ց , ի մ Գ ա ռ ն ի կ .  
— Կ ա խ ա ր դ պ ա ռ ա ւ մ է կ կ ն ի կ :  
Ի ն չ ո ւ ծ ե ծ ե ց ք ե զ , Գ ա ռ ն ի կ .  
— Է ի ծ ա ռ ի ն տ ա կ , մ ա յ ր ի կ :  
Ո ՞ր տ ե զ լ ա ր կ ա ւ ք ե զ , Գ ա ռ ն ի կ .  
— Թ ա ր ի կ ն ե ր ու ս , ի մ մ ա յ ր ի կ :  
Ի ն չ պ է ՞ս լ ա ց ի ր գ ո ւ ն , Գ ա ռ ն ի կ .  
— Մ է , մ է , մ է , ի մ մ ա յ ր ի կ :

Թ ե լ ա դ ր ու թ ի ւ ն ի ւ . — Բ ա ց ա ո ր ե ւ շ ե ղ ա զ ի ր ւ  
ն ե ր ը : Թ ե լ ա դ ր ու թ ե ա մ ի ր ե ր ե ւ հ ա ս ու ա ծ ը :

Բ Ն Ա Կ Ա Ր Ա Ն Ն Ե Ր

Մ ա ր դ ու ն բ ն ա կ ա ր ա ն ն ե ր ն ե ն տ ու ն ,  
խ ա ն ո ւ թ , ե կ ե ղ ե ց ի , վ ա ն ք ,  
բ ա զ ն ի ք , պ ա ն դ ո կ , ջ ա զ ա ց ք ,  
տ գ ա ր ա կ , վ ր ա ն , խ ր ձ ի թ , և ա յ լ ն :  
կ ե ն դ ա ն ի ն ե ր ու բ ն ա կ ա ր ա ն ն ե ր ն ե ն  
տ խ ո ո , գ ո մ , փ ա ր ա խ , բ ո յ ն , ո ր ջ ,  
խ շ տ ի կ , և ա յ լ ն :

Գ ի ւ զ ա ց ի ն կ ը բ ն ա կ ի հ ի ւ զ ի կ ա մ  
խ ր ձ ի թ ի մ է ջ , հ ո վ ի ւ ը՝ վ ր ա ն ի ն տ ա կ ,  
զ ի ն ո ւ ո ր ը՝ զ օ ր ա ն ո ց ի ն մ է ջ , հ ա ր ո ւ ս  
տ ը՝ ա պ ա ր ա ն ք ի ո ւ ա մ ա ր ա ն ո ց ի  
մ է ջ , ք ա հ ա ն ա ն ե կ ե ղ ե ց ւ ո յ մ է ջ ,  
ձ ա մ բ ո ր դ ը՝ պ ա ն դ ո կ ի մ է ջ , կ ր օ ն ա  
ւ ո ր ը՝ վ ա ն ք ի մ է ջ :

Թ ո չ ո ն ը՝ բ ո յ ն ի մ է ջ , օ ձ ը՝ հ ո զ ի

մէջ, արջը ու առիւծը՝ որ չին մէջ,  
ձին՝ ախոռին մէջ, կովը՝ գ ոմի մէջ,  
ձուկը՝ ծովուն մէջ, սարդը՝ ոս-  
տայնին մէջ, կրիան՝ պատե անին  
մէջ, մեղուն՝ փեթ ակին մէջ ու շե-  
րամը՝ խողակին մէջ :

Թելադրութիւններ . — Բացատրել անջատ  
գիրերով բառերը : — Թելադրութեամբ գրել հա-  
սուածը :

Հարցումներ ընել : Օրինակ . գիւղացին ո՞ւր  
կը ընակի . — Հիւղակին մէջ, ևայն :

Կարասիններ . Ի՞նչ է սեղան, աժոռ, թիկ-  
նաթոռ, գահաւորակ = սոֆա, օրօրոց, նըս-  
տարան :

Ամաններ . Գաւաթ, ափսէ, բաժակ, կուժ,  
կաթսայ, տապակ, շիշ, պնակ, հեշտաեռ = սա-  
մալար :

Ա. Ռ. Ա. Ծ

Աղջիկ, քեզի կ'ըսեմ, հարսնուկ, դուն  
իմացիր :

### ԿԱՏՈՒՑ

Փիսիկ, փիսիկ,  
Դու յար փոքրիկ,  
Սուր սուր ճանկեր  
Ունիս բարեր :  
Գիշեր ցորեկ  
Միշտ կը սինիս,  
Խեղճ մկնելու  
Մահ կը նիւթես :  
Թել պեխերդ  
Ցից ցից անկած՝  
Միաւ, միաւ  
Կը մշաւես :  
Երկար պոչդ  
Կ'երկնցնես,  
Մկնիկները  
Կը մեռցնես :

Թելադրութիւններ . — Բացատրել շեղագիր-  
ները : — Թելադրութեամբ գրել հասուածը :

Ե Ն Ի Կ Բ

Շնիկս իմ սիրուն ,  
 Ի՞նչ աղուոր ես դուն ,  
 Ի՞նչ գանգուր վարսեր  
 Գլխէդ են կախուեր :  
 Երբ ուրախ ըլլամ  
 Ու խնդամ , խաղամ ,  
 Խնծի հետ դուն ալ  
 Կը սիրես խաղալ :  
 Իսկ երբ ասսեն զիս  
 Ու ցաւի հոդիս ,  
 Դուն ալ խնծի պէս  
 Արցունի կը թափես :

Թելադրութիւններ . — Բացառել շեղագիր-  
 ները : — Թելադրութեամբ գրել հասուածը :

Թիերուի ՎՐԱՅ ՎԱՐԺՈՒԹԻՒՆՆԵՐ

20 21 22 23 24 25 26 27 28 29 30

Այս թիւերը կարդալ ու դրել դրով :

Ա. Ռ. Ա. Ծ

Կալին մէջ աշխատող եղին դունջը շեն կապեր :

ԲԱՐԻ ԱՂՋԻԿԸ

Անահիտ բարի աղջիկ մըն է , փո-  
 ղոցները չի պտտիր , չար տղոց հետ չի  
 խաղար : Ու շագրութեամբ իր  
 գտաներուն կը պարապի : Զբօսանքի  
 ժամուն իր պուպրիկով կը զուար-  
 ձանայ : Յետոյ իր Ատրուժան փոքր  
 եղբայրը կը պտտցնէ պարտէզին մէջ .  
 միշտ կը հսկէ որ վտանգ մը չպա-  
 տահի մանկիկին : Իր ծնողքը շատ  
 կը սիրեն զինքը :

Թելադրութիւններ . — Անահիտ ի՞նչպիսի  
 աղջիկ է : Ի՞նչ կ'ընէ զբօսանքի ժամուն : Ի՞նչ հո-  
 գածութիւն կ'ընէ երբօրը :

Բացառել անջատ գիրերով բառերը : — Թե-  
 լադրութեամբ գրել հասուածը :

ԲԱՐԻ ԱՎԱՋԻԿ

Փոքրիկ աղջիկ մըն եմ բարի ,  
Կը խելօքնամ ամէն տարի ,  
Գիրժերու հետ կ'ապրիմ մինակ ,  
Անոնք եղան հանցյս հիմակ :  
Միրգ , կարկանդակ , սեր ու շաբար  
Հրապոյը շունին ալ ինձ համար ,  
Գրիչ , կարկին , թռողթ ու տետրակ ,  
Խաղաղիթերս եղան հիմակ :

Թելադրութիւններ .— Բացատրել շեղագիր-  
ները : — Թելադրութեամբ գրել հասուածը :

ԹԱՐ, ՀԱՒՆՈՑ, ՎԱՌԵԱԿ

Հաւն ընտանի թըռու-  
շուն մըն է , հաւնոցին  
մէջ կը բնակի . անոր  
արուն է աք աղաղը  
որ գեղեցիկ ու փայ-  
լուն փետուրներ  
ունի , գլխուն վրայ ալ  
կատար մը : Հաւին  
միսն ու հաւկիթը  
մնունդ են :



Հաւ, Վառեակ




Արադադ



Ճնճղուկ



Սոխակ



Գանարիկ



Եկրանիկ



Ծիծեռնակ

Ճնճղուկ կը<sup>1</sup>  
կոչուին բոլոր մանր  
թռչունները . ու  
մանք հունակու-  
տեն , ուրիշներ՝ պը-  
տուդ :

Սոխակին գայլայլիկը , գտ-  
նարիկին զեղին գոյնը , եկրանի-



կին ձայնը , ծիծեռնակին թռչիը  
շատ սիրուն են :

Թելադրութիւններ . — Հաւն ի՞նչպիսի թըռու-  
չուն է : Արտն ի՞նչ կ'ըստի : Ինչե՞ր ունի : Հաւն  
ի՞նչ կ'ըլլայ : Արո՞նք ճնճղուկ կը կոչուին : Ի՞նչ  
կ'ընեն : Ի՞նչ բան սիրուն են :

Բացատրել անջատ գիրերով բառերը : — Թե-  
լադրութեամբ գրել հասուածը :

### Ի՞նչՊէ՛Ս - ՀԱԿԱԳՐՈՒԹԻՒՆՆԵՐ

Մեւ է ածուխը , ճերմակ է կարը :  
Թեթեւ է բուղը , ծանր է երկարը :  
Բարձր է արեւը , խոր են ծովերը :  
Տաք է կրակը , զով են հովերը :  
Մութ է գիշերը , պայծառ է առառն :  
Աղստա է խոզը , մաքուր է կատուն :  
Բարկ է ժացախը , քաղցր է շաբարը :  
Կակու է բուրդը , կարծր է սա՛ ժարը :  
Արագ կ'երթայ ձին , դանդաղ է եշը :  
Յարդի է լաւը , անարգ է գէշը :  
Թելադրութիւններ . — Բացատրել շեղագիր-  
ները : — Թելադրութեամբ գրել հասուածը :

### Հ. Ա. Ն Ե Լ Ո Ւ Կ

Փետրով կը ցանեն , աչքով կը քաղեն , գլխով  
կ'ուտեն , մորով կը մարսեն :  
(Գրել , Կարդալ , Աւում )

### Ա Ք Ա Դ Ա Դ

Ինծի ըսէ՛ , Աքաղաղ ,  
Ոսկի կատարիդ մատաղ ,  
Կարմիր մօրուինդ մատաղ ,  
Ինչո՞ւ շուտով կ'արթննաս ,  
Բարձր ձայնով կը պոռաս ,  
Բակի գուռը կը բառիս .  
Քաղցր քոնս խոռվելո՞ւ ,  
Օրս անհանգիս ընելու :

Թելադրութիւններ . — Բացատրել շեղագիր-  
ները : — Թելադրութեամբ գրել հասուածը :

### Հ. Ա. Ն Ե Լ Ո Ւ Կ

Վերը երդիկ , վարը գոնակ ,  
Մէջտեղը ջուր ու կրակ :  
(Հետակո = Սամավար )

### Ա Ռ Տ Ո Ւ Կ

Առտու է . աքաղաղները կը խօ-  
սին . տանը մէջ ամէն մարդ կ'արթըն-

նայ : Հայրիկը կը մեկնի , կ'երթայ  
իր աշխատանոցին մէջ զբա-  
ղելու : Մայրի կը մեզ կը հագ-  
ուեցնէ , կը մաքրէ և նախաձաշ-  
նիս կը պատրաստէ : Յետոյ ես զպրոց  
կուգամ փոքրիկ եղբօրս հետ : Մեծ  
քոյրս տունը կը մնայ մայրիկին օգնե-  
րու համար :

Թելադրութիւններ . — Ի՞նչ կ'ընէ հայրիկը :  
Մայրիկը ի՞նչ :

Բացարել անջատ գիրերով բառերը : — Թե-  
լադրութեամբ գրել հաստածը :

### ԹՌՉՈՒՆՆԵՐՈՒՆ ԲՈՅՆԵՐԸ

Ամառ օր մը անսառին մէջ կը  
պատեի : Օգը տաք էր , ծառի մը  
տակ նստեցայ և կը դիաեի անոր  
ճիւղերէն կախուած բոյներն որոնց  
մէջ փոքրիկ թռչուններ կը ճըլուը

լային : Յանկարծ ծառերուն ետեւէն  
քանի մը տղաք երեւան ելան . անոնք  
ալ սկսան բոյները դիտել , յետոյ մա-  
գլցելով՝ ծառն ելան : Այդ տղոց  
մէկը բոյները կը քակէր , ուրիշ մը  
ձագերը գուրս կը քաշէր , միւսները  
հաւկիթները կ'առնեին , փոքրիկ  
թռչունները միաձայն կը ճուային ,  
իսկ ես կը ցաւեի խեղճ փոքրիկ թռո-  
չուններուն վրայ և չէի ուզեր չար  
տղայ ըլլալ :

Թելադրութիւններ . — Անսառին մէջ ին-  
չե՞ր տեսար : — Ի՞նչ կ'ընէին աղաք : — Փոքրիկ  
թռչուններն ի՞նչ ըրին : — Դա՞ւն ինչ եղար :

Բացարել անջատ գիրերով բառերը : — Թե-  
լադրութեամբ գրել հաստածը :

Ա. Ռ. Ա. Ծ

Կուժը ջուրին ճամբան կը կոտրի :

## ԳԱԶԱՆՆԵՐ



Առիւծ

Առիւծը կը կոչուի  
անասուններու իշխան-  
նը . շատ հուժկու-  
է , բաշովն ու եր-  
կար պոչովը կը նմանի  
կատուի :



Աղուես

Աղուեսը հաւնու-  
ցին թշնամին է :



Գայլ

Անգութ գայլն  
ոչխարներուն թշնամին  
է . կը խղդէ գառնուկ-  
ները ու գառները և  
կը բերէ իր որջն որ ան-  
տառին մէջ կը գըտ-  
նուի :



Արջ

Արջ տեսած էք :  
Ակում օրեր երբեմն  
զայն կը ցուցադրեն  
ու կը խաղցնեն :

Թելսադրութիւններ . — Որո՞նք են դաղան-  
ները : — Նկարագրել առիւծը : — Աղուէսը ինչի՞  
թշնամի է : — Գայլը : — Ի՞նչ կընեն արջը :  
Բացարկել անջատ գիրերով բառերը : — Թե-  
լադրութեամբ դրել :

Ա. Ռ. Ս. Գ. Ա. Խ Օ Ս Ա Կ Ի Թ Ի Ի Ն

Ծիալ ճմբոն ծէրին , ծափ ճուափ ճիալ  
Ճուալ :

## ԿԱՂԱՆԴԻ ՆՈՒԷՐՆԵՐՍ

Հայր մը , մայր մը , եղբայր մը և  
երկու քայր ունիմ : Հայրս ու մայրս զիս  
շատ կը սիրեն : Հայրս այս տարի Կա-  
ղանդին աղուտոր խաղաղիք մը նուի-  
րեց ինձի : Այս նուէրը փարախ մըն է ,  
որուն մէջ կայ ձի մը , կով մը , երկու  
մաքի , այծ մը , շուն մը և ուլ մը :  
Իսկ մայրս կ ա հ ա ս ո ր ո ւ ա ծ տնակ  
մը նուիրեց : Այս տնակն ունիսեղանա-  
տուն մը , սրահ մը ու ննջասենեակ մը :

Թելագրութիւններ . — Ի՞նչ ունիս դուն : —  
Ի՞նչ է կաղամնդը : — Ի՞նչ նուէր առիր կաղամն-  
դին : — Հայրդ ի՞նչ նուիրեց : — Մա՞յրդ :

Բացատրել անջատ գիրերով բառերը : — Թե-  
լագրութեամբ գրել :

### ՈՒՏԵԼԻՔ ՈՒ ԽՄԵԼԻՔ

Մարդը կ'ուտէ , կը խմէ , կը  
կրծէ , կը ծծէ , կը ծամէ , կը կլլէ :  
Միաը կ'ուտէ , սկզբը կը կրծէ :  
Կերակուրները կը ծամէ ակռա-  
ներով ու կը կլլէ :

Կաթը թէյի հետ և կամ զատ կը  
խմէ :

Գինին կը խմէ , քացախն ու  
ձեթը կերակուրի մէջ կը խառնէ :  
Արգանակը , ապուրը , թանա-  
պուրը , թթու ապուրը , անուշ  
ապուրը , եղինձը դգալով կ'ուտուին :  
Մանուկը կը ծծէ մօրը կաթը :

Գեղը՝ եթէ ջուրի պէս հեղուկ է՝  
կը խմուի , եթէ դեղահատ է՝ կը կլուի :

\* \* \*

Շունը կը լակէ , կը լզէ , կը լափէ :  
Մուկը կը կրծէ :  
Թռչունը կը կտցէ :

Թելագրութիւններ . — Բացատրել անջատ  
գիրերով բառերը : — Թելագրութեամբ գրել :

### ԶԱՏԿԻ ՏՕՆԸ

Զատիկը Քրիստոսի Յարու-  
թեան տօննէ , ուրախութեան օր մը  
բոլոր քրիստոնեաներուն հա-  
մար : Առտուն կանուխ եկեղեցւոյ  
զանդակները կը հնչուին . ամէն  
մարդ իր ամէնէն գեղեցիկ տրդու-  
զարդովը հազուած , շքուած ,  
աղօթել կ'երթայ Աստուծոյ :  
Եկեղեցւոյ խորանն ալ իր ամէնէն

Հքեղ զարդարանքովը կը փայլի =  
ձրագներ, շղարշներ, ծաղիկ-  
ներ լեցուն են Տաճարին մէջ =  
Քրիստոնեաներուն սեղանը կը պատ-  
րաստուի կարմիր հաւեկիթով և  
ուրիշ ուտելիքներով =

ԿՐԾՈՂ ԱՆԱՍՈՒՆԵՐ

Նապաստակը կատուի չափ կեն-  
դանի մըն է, ականջները գլխէն մեծ  
են, շատ արագ կը փա-  
զէ, լաւ կը լսէ և շատ  
վախկոտ է = Միաը  
կ'ուտուի =




Ն ա պ ա ս ա կ



Ճ ա զ ա ր

Ճագարը նապաստա-  
կէն տեղի փոքր է,  
միաը համեղ է և գըլ-  
խարկ կը շինեն անոր  
մորթէն =



Մ ու կ



Գ ու դ ր



Ս կ ի ւ ռ

Մուկը զզուելի  
տեսքով անասուն  
մըն է որ կ'ապրի  
կոյուղիներու մէջ =  
Մեծը կը կոչուի  
Առնէ տ =

Կուղբը իր

լայն ու եր-  
կայն պոչով կը  
շինէ իր տնաւ  
կը անոր մոր-  
թէն գլխարկ  
կը շինեն =

Սկիւռին տեսքը շատ  
գեղեցիկ է, պոչը եր-  
կայն ու թաւամազ,  
մորթը շատ յարգի.  
անկից մուշտակ կը  
շինեն =

Թելադրութիւններ . — Ոլոնք են կրծող

անսառնները : — Խ՞նչպիսի կենդանի է Նազառ-  
տակը : — Ճագա՞րը : — Սկի՞ւռը : — Կո՞ւղը :  
— Առնք ի՞նչ օդտակարութիւն ունին :  
Բացատրել անջատ գիրերով բառերը : — Թե-  
լագրութեամբ գրել :

### ԹԻՒԵՐՈՒ ՎՐԱՅ ՎԱՐԺՄԻՒԹԻՒՆ

31, 32, 33, 34, 35, 36, 37, 38, 39, 40

Այս թիւերը կարդալ ու գրել :

### ՀԱՅ ԳԻՐԵՐԸ

Հայ եկեղեցին ամեն տարի կը  
տօնէ Սուրբ Սահմակ հայրապետին ու  
Սուրբ Մեսրոպ վարդապետին տօնը :  
Այդ սուրբ հայրերը գտած են  
մեր լեզուին գիրերը : Եթէ գիր չու-  
նենայինք, չպիտի կրնայինք իրարու-  
հետ հաղորդակցիլ հեռուէն : Տղայ  
մը երբ գրել ու կարդալ սորվի, ամե-  
նէն առաջ պէտք է ձանչնայ մեր գի-

րերուն հեղինակները և երախ-  
տագիտութեամբ յիշէ անոնց  
անունը :

### ՓՈՔՐԻԿ ԱՆԱՍՈՒՆՆԵՐ




Ճանճ

Ճանճը միջատ մըն է :



Մեղու


Մեղուն մեղր տուող  
միջատ մըն է :



Պարդ

Սարդը = մամուկը կը հիւսէ  
իր սատայնը, և իր ցանցով կ'օրսայ  
Ճանճեր : Աւաղ ան-  
խոհ է մն երուն որ  
անոր ցանցին մէջ կ'իյ-  
նան :

Թիթեռնիկը միջատ մըն է .  
սիրուն թիթեռնիկները  
վնասակար մանրէներ  
ունին վրանին :



Մրջիւնը սոզուն մըն  
է շատ աշխատասէր :

Մրջիւն

Թելադրութիւններ . — Որո՞նք են փոքրիկ  
անասունները : — Ի՞նչպիսի կենդանի է ճանձը : —  
Մեղո՞ւն : — Թիթեռնիկը : — Աա՞րդը : — Մրջիւնը : — Ասոնք ի՞նչ կ'ընեն :

Բացատրել անջատ գիրերով բառերը : — Թե-  
լադրութեամբ գրել :

### ԿԵՆԴԱՆԻՆԵՐՈՒՆ ԶԱՅՆԸ

Մարդը կը խօսի , շունը կը հաջէ ,  
քածը կը կաղկանձէ , ոչխարը կը մայէ ,  
այծը կը պատաջէ , կովը կը բառաջէ ,

եզր կը փչէ , ձին կը վրնջէ , էշը կը զոայ ,  
փիղը կը գոչէ , խողը կը գանջէ , առիւծը  
կը մոնչէ , կատուն կը մլաւէ , վագրը  
կը խոնչէ , հաւը կը կարկաչէ , գորտը  
կը կոնչէ , արագիլը կը կափկափէ ,  
տղաւնին կը մնջէ , օձը կը սուլէ , թու-  
թակը կը խօսի , ձնձզուկը կը ձրուո-  
ղէ , ճանճը , մեղուն , եղիակը կը բզզան :

Թելադրութիւններ . — Հարցումներ ուղղել :  
Օրինակ . Շունը ի՞նչ ձայն կը հանէ . — Կը հաջէ :  
Թելադրութեամբ գրել հաստածը :

### ՄՐՋԻՒՆՆ ՈՒ ԱՆԱՒՆԻՆ

Մրջիւն մը ջուրն ինկեր էր . Քիչ  
միաց որ խեղղուէր , երբ աղաւնի  
մը որ հոն մօտը կը կենար՝ տեսաւ  
զայն ու մեղքցաւ : Անմիջապէս  
կտուցովը խոտի շիւղ մը  
բերաւ և կտմացուկ մը ջրին վրայ դրաւ :

Մրջիւնը անոր վրայ ելու և ազատեցաւ : Աղաւնին ալ թռաւ գնաց ծառի մը վրայ թռառեցաւ : Որսորդ մը որ հոնկէ կ'անցնէր՝ զայն տեսաւ, հրացանը լեցուց և պատրաստուցաւ զայն սպաննելու : Բայց մրջիւնը անոր ոտքը խայթեց : Որսորդը ետին դարձաւ : Թռչունն ալ թռառու ազատեցաւ :

Թելադրութիւններ . — Ո՞վ ջուրն ինկեր էր : — Աղաւնին ի՞նչ ըրաւ : — Որսորդ մը ի՞նչ ըրաւ : — Մրջիւնը : — Ասկէ ի՞նչ կրնաք սորվիլ :

Բացատրել անջատ գիրերով բառերը : — Թերադրութեամբ գրել :

### Ա. Ռ. Ա. Ծ

Անծակ մարգրիտ՝ Աստուած կը շարէ  
Անոլոր գերձանն՝ մարդը կը քաղէ :



### ՈՍԿԻ ԵԶՆԱԿՆԵՐԸ

Հայկակ օր մը պարտէզ զնաց վարդ քաղելու : Բայց յանկարծ կանգ առաւ վարդ ենւ ոյն տերեւներան մէջ ոսկի եղնակներու



բոյն մը նշմարելով :

Հայկակ այնկան յափշտակուեցաւ այս տեսարաննեն որ ուղեց քակել տանիլ գանոնիք, տուփի մէջ պահել, վարդ կերպնել անոնց և ուզած ժամանակը գերձանի մը ծայրը կապել տալով՝ խաղալ հետերին : Բայց մտածեց թէ չտրութիւն էր աւրել այդ բոյնն ու վարդենին որ այնքան ազուոր յօրինուեր են Աստուծմէ :

Թելադրութիւններ . — Հայկակ օր մը ի՞նչ ըրաւ : — Ո՞ւր աեսաւ ոսկի եղնակները : — Ի՞նչ ուղեց : — Ի՞նչ մտածեց : — Ինչո՞ւ :

Բացատրել անջատ գիրերով բառերը : — Թերադրութեամբ գրել :

ԹԻՒԵՐՈՒ ՎՐՈՅ ՎԱՐԺՈՒԹԻՒՆՆԵՐ

40, 41, 42, 43, 44, 45, 46, 47, 48, 49, 50

Կարդալ ու գրել:

---

### ԶԱՐ ՍԻՐՏ ՏՂԵԿԸ

Անձրեւոտ օր մը տղեկ մը՝  
 գասագիրքերը անութին տակ  
 եւ կերտակուրին սակառն ալ ձեռքը  
 բռնած՝ դժուարութեամբ կը քալէր = Թրջուած սալայ տակ-  
 ները սահուն եին, խեղճ աղեկը  
 հաւտատրակշութիւնը կոր-  
 անցնելով՝ ցեխին մէջ ինկաւ և դէմքը  
 բոլորովին աղտատեցաւ = Սմբատ օր այն  
 տեղէն կ'անցնէր՝ փոխանակ անոր օգ-  
 նելու, սկսաւ վրան խնդալ = “Օ՛հ, այդ  
 ինչ աղուոր ես, պեխերդ շատ շուտ  
 բուսեր են,, , պոռաց հեզն ու-  
 թեամբ = Այս խօսքերը բառծ վայր-

կեանին յանկարծ իր ոտքն ալ սահե-  
 ցաւ և այնպէս ուժ գին պառկեցաւ  
 սալայատակին վրայ որ քիթն ու բե-  
 րանը արիւնեցան :

Թելադրութիւններ . — Տղեկ մը ի՞նչ կ'ընէր  
 անձրեւոտ օր մը : — Ի՞նչ եղաւ : — Անկէ ո՞վ  
 կ'անցնէր : — Սմբատ ի՞նչ ըրսաւ : — Յետոյ ինք  
 ի՞նչ եղաւ : — Ասկէ ի՞նչ կրնաք սորվիլ :

Բացատրել անջատ դիրերով բառերը : — Թե-  
 լադրութեամբ գրել :

---

### ՍՏԱԽՈՍ ՄԻՀՐԱՆ

Փոքրիկ հովիւ մըն էր Միհրան  
 Որ ամէն օր դաշին վրան  
 Արածելու կ'երթար առտուն  
 Հօսն իր գեղին ոչխարներուն :

Օր մը նեղուած հոն միս մինակ՝  
 Բառ . « Աղուոր խաղ մը խաղանք » ,  
 եւ սկսաւ պոռալ ուժով .  
 « Գայլ կայ, գայլ կայ, հասէք շուտով » :

Գիւղացիներ եկան հասան ,  
Ո՞չ գայլ գտան , ո՞չ ալ գազան ,  
Քա՞ հքա՞ ի խնդաց անկիրթ տղան .  
Բառ անոնց . « Կատակ էր ան » :

Գայլեր եկան օր մը իրաւ ,  
Մարդ մը ձայնին մտիկ չըրաւ ,  
Մէկը չեղաւ իրեն պաշտպան .  
Կտոր կտոր եղաւ Միհրան :

Բացարել չեղագիրները : — Թելադրութեամբ  
գրել հասուածը :

Ա. Ռ. Ա. Ծ

Գողր գողէն գողացաւ  
Աստուած տեսաւ զարմացաւ :



Թիիերնի ՎՐԱՅ ՎԱՐԺՈՒԹԻՒՆԵՐ

51, 52, 53, 54, 55, 56, 57, 58, 59, 60, 70, 80, 90, 100



Կարգալ ու գրել :

ԳԾԵԼՈՒ ՎԱՐԺՈՒԹԻՒՆԵՐ


Թիւ 1




Թիւ 2




Թիւ 3



புக 4




புக 5




புக 6




புக 7





புக 8



புக 9



Թիւ 10



Թիւ 11  
ԲԱԿԱՐԱՆ



2013  
3993



ՀՐԱՏԱՐԱԿՈՒԹԻՒՆՔ

ՄԻԱՅՆԱԼ ԲՆԱԿԵՐՈՒԹԵԱՆՑ ՀԱՅՈՑ

ՍԱՅՐԵՑՆԾ ԼԵԶՈՂ

ՀԻՄՆՈՎԻՆ ԲԱՐԵՓՈԽՈՒԱԾ

ՄԱՆԿԱՎԱՐԺԱԿԱՆ ԹԱՐՄԱՐԳՈՅՆ ՄԷԹՈՏՈՎ ՊԱՏՐԱՍՏՈՒԱԾ

|     |                                          | Դր.               |
|-----|------------------------------------------|-------------------|
| 1.  | Մանկապարտեզ                              | Ա. Տարի . . . . . |
| 2.  | Մանկապարտեզ                              | Բ. Տարի . . . . . |
| 3.  | Տարրական Դասընթացք                       | Ա. Տարի . . . . . |
| 4.  | Տարրական Դասընթացք                       | Բ. Տարի . . . . . |
| 5.  | Միջին Դասընթացք                          | Ա. Տարի . . . . . |
| 6.  | Միջին Դասընթացք                          | Բ. Տարի . . . . . |
| 7.  | Մայրենի Լեզու                            | Գ. Տարի . . . . . |
| 8.  | Մայրենի Լեզու                            | Դ. Տարի . . . . . |
| 9.  | Ա. Դիրէ Ձրանսերենէ ի Հայ; բարգմանութեան. | 3                 |
| 10. | Քրիստոնեական                             | . . . . . 1½      |
| 11. | Գեղագրութիւն և Թահանունի                 | . . . . .         |
|     | Տեսր Ա. Բ. Գ. Դ. Ե. Զ.                   |                   |

հասր 20ական փարայ

ԳԻՒՂԱՑՆՑ. ՄԱՏԵՆԱՇԱՐ

|    |                                     |       |
|----|-------------------------------------|-------|
| 1. | Հողային Արգիւնաբերութիւն            | Դր. 1 |
| 2. | Սերմնցուներու բնուրութեան օգուտները | » 1   |

 Այս հատուրակութեանց համար  
դիմել ուղղակի Ընկերութեան Գրասենեակը,  
Պոլիս, Պահէ Գափու, Մատրդիէ խան, թ. 27

ՏԱՅ. Հրապառակ ելած մէն մի օրինակ Ընկերութեան ուսաց  
չոնական Կնիքը պէտք է կրէ անպատճառ :